



Anna Wangenheim
Demokratit sinnerlugit Inatsisartunut ilaasortaq

§ 37 naapertorlugu apeqqutip nr. 55/2021-p akineqarnera

Asasara Anna Wangenheim

Inatsisartut suleriaasianni § 37, imm. 1 naapertorlugu Naalakkersuisunut apeqqutinik saq-qummiussaqaqputit. Apeqqutinut isuarneqartunut ataanilu akineqartunut Naalakkersuisut qujapput.

16-06-2021
Suliap nr 2021 - 10333
All. nr. 16907521

Postboks 1160
Oqarasuaat: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

- 1. Partiit maanna Naalakkersuisunut tunuliaqutaasut arlaleriarlutik siunner-suutiginiuuat, Peqqinnissaqarfimmut aningaasanik amerlanerusunik atu-isoqassasoq. Aningaasatigut allaffissornikkullu pisortanut suut kinguneris-innaavai, Peqqinnissaqarfiup ukiumoortumik missingersuutaa atajuar-tussamik ukiumut 50 millioner koruuninik qaffanneqartalissagaluarpat?**

- a. Peqqinnissaqarfimmut qaffaaneq taamaattoq Naalakkersuisut qanoq aningaasalersorusuppat?**

Akissut:

Ileqqusumik suleriaaseq naapertorlugu ukiumut aggersumut aningaasanut inatsisissa-mut siunnersuutip tamanut saqqummiunneranut atatillugu Naalakkersuisut aningaasaqar-nermut politikertik saqqummiutissavaat. Taamaattumik Peqqinnissaqarfiup missingersuu-taasa amerlineqarnissaat pillugu Naalakkersuisut aalajangersimasunik sunik pilersaar-terqarnersut apeqqutigineqartoq § 37-kkut apeqquteqaammut killiliussat iluanni akine-qarsinnaanngilaq.

- 2. Aningaasatigut allaffissornikkullu pisortanut suut kingunerisinnaavai, meeqqat inuusuttullu tarnip nappaataanik katsorsarneqartut misissor-tittarneri agguaqatigiisillugu ukiumit ataatsimit qaammammut ataatsimut appartinneqassagaluarpat?**

Akissut:

Peqqinnissaqarfiup nalunaarutigaa Dronning Ingridip Napparsimavissuani (DIN) Tarnik-ut napparsimasunut immikkoortortaanut nunap immikkoortuinit peqqissaavinnit meeqqat pillugit innersuussutit tamarmik ullut arfineq marluk missaasa iluini nakorsamit immikkut paasisimasalimmit naliliiffineqartartut innersuunneqartarlutillu. Innersuussinermi nakor-saq immikkut paasisimasalik ingerlariaqqinnissamik isummertarpoq soorlu napparsi-masoq unitsineqassanersoq, napparsimavimmut unitsitaanani nakorsartissanersoq imaluunniit immikkut ilisimasallip takkunnissaa tulleggutaqqineqassanersoq.

Meeqqat Inuusuttullu Tarnip Pissusaanik Immikkut Ilisimasalimmik Sullinneqarnermi nassuiaammut piffissaq utaqqiffiusoq allanngorarpoq. Nunap immikkoortui tamarmik immikkut ukiumut ataasiaannarlutik immikkut ilisimasalimmit tikinneqartarmata meeqqat inuusuttullu immikkut ilisimasallip takkunnissaanut utaqqisinnaasutut nalilernerqartut, ukioq ataaseq naammatillugu utaqqisinnaapput. Meeqqat Inuusuttullu Tarnip Pissusaanik Immikkut Ilisimasalimmik Sullinneqarnermi napparsimavimmut unitsitaanani nakorsartinnissamut piffissaq utaqqiffiusoq Nuummi qaammatip ataatsip marlullu missaaniippoq.

Meeqqat inuusuttullu nunap immikkoortuineersut nappaammik tassanngaannartutut nalilernerqarpata, taamaattumillu immikkut ilisimasallip takkunnissaa utaqqineqarsinnaani, Dronning Ingridip Napparsimavissuanut unitsitsisoqassaaq. Meeqqat inuusuttullu imminut toqunissamik eqqarsaateqartut imaluunniit imminut toqoriaraluarsimasut innersuunneqareernerup kingorna ullut 14-it iluanni Tarnikkut napparsimasunut immikkoortortap akisussaaffiani nakorsartinneqartarput. Meeraq inuusuttorluunniit Tarnikkut napparsimasunut immikkoortortamut imaluunniit Skypekkut napparsimavimmut unitsitaanani nakorsartinneqassaaq.

Piffissat utaqqiffiusut sivikillisarniarlugit 2021-imi Peqqinnissaqarfik meeqqat inuusuttullu tarnip pissusaanik nakorsamut immikkut ilisimasalimmut aammalu meeqqat inuusuttullu tarnip pissusaanik ilisimasalimmut aningaasanik tullerriaarnermi pingaarnersiuisimanera pissutigalugu piffissaq utaqqiffiusoq sivikillineqarpoq. Tarnip Pissusaanik Immikkut Ilisimasalimmik Sullinneqarnermi, ungasinnerusoq isigalugu utaqqinerit sivikinnerusut aningaasanik isumalluutinik amerlanerusunik pisariaqartitsissapput, ilaatigut aalajangersimasumik meeqqat inuusuttullu nakorsamik tarnip pissusaanik immikkut ilisimasalimmik sullinneqarneranut, meeqqat inuusuttullu tarnikkut pissusaanik ilisimasallit amerlanerusunut imaluunniit Sinerissamit meeqqanik inuusuttunillu unitsitsinernut amerlanerusunut atugassanik. Utaqqinermi piffissat sivikinnerusut nappaammillu suussusersiinerit amerlanerusut peqatigitillugu Tarnip Pissusaanik Immikkut Ilisimasalimmik Sullinneqarnermi katsorsaanerimut nakkutiginninnermullu aningaasartuutit qaffasinnerusut kingunerisinnaavaa.

Peqatigitillugu oqaatigineqarpoq, Isumaginnermut suliassaqarfimmi meeqqanut inuusuttunullu annertunerusumik ukkatarinninneq isumalluutillu amerlanerunerat Tarnip Pissusaanik Immikkut Ilisimasalimmik Sullinneqarnermut tuniluuttumik sunniuteqartoq, amerlanerusunik innersuussinikkut atugaqarnikkut. Taamatut ineriartorneq siunissami ingerlaannassasoq naatsorsuutigineqarpoq.

3. Aningaasatigut allaffissornikkullu pisortanut suut kingunerisinnaavai, meeqqanut inuusuttunullu tunngasut inersimasut tarnikkut katsorsartinneranniit illikartikkaanni, meeqqallu illuannik/centerimik pilersitsilluni?

Akissut:

Paasissutissat akissuteqarnissamut atugassat pissarsiarinissaat piffissamik isumalluutinillu annertuumik atuinissamik pisariaqartitsissammat, apeqqutip 3-p akineqarnissaa periarfissaqanngitsutut nalilernerqarpoq.

Naalakkersuisut nalilerpaat, meeqqanut immikkoortortamik immikkoortumik meeqqat inuusuttullu tarnikkut nappaatillit imaluunniit taamatut pasineqartut nassuiaaffigineqarnerannik katsorsarneqarnerannillu isumaginnittussamik pilersitsinermi aningaasaqarnikkut allaffissornikkullu kingunerisassai nassuiarsinnaajumallugit tarnip pissusaanik immikkut

ilisimasalimmik sullinneqarnermut suliaasaqarfiup annertuumik qulaajaarneqarnissaanik pisariaqartitsisoqassasoq.

4. Aningaasatigut allaffissornikkullu pisortanut suut kingunerisinnaavai, tarnimikkut napparsimasut inissiisarfiat Kalaallit Nunaanni pineqaatissutigisartik ingerlappassuk katsorsarneqarlutillu?

Akissut:

Paasissutissat akissuteqarnissamut atugassat pissarsiarinissaat piffissamik isumalluutinillu annertuumik atuinissamik pisariaqartitsissammata, apeqqutip 4-p naammaginartumik akineqarnissaa periarfissaqanngitsutut nalilerneqarpoq. Taamaattorli Naalakkersuisut oqaatigisinnaavaat 2019-imit nassuiaammi sammisaq suliarineqarmat.

Nassuiaammi takuneqarsinnaavoq, Dronning Ingridip Napparsimavissuani (DIN) tarnimikkut napparsimasut eqqartuunneqarsimaneq tunngavigalugu nakorsarneqarnissaanut inissanik pilersitsineq sioqqullugu immikkoortunik arlalinnik qulaajaanerit suliarineqassasut. Ilaatigut pineqarpoq tarnimikkut nappaatillit eqqartuussinikkut pineqaatissinneqarsimasunut Danmarkimit tiginissaat, immikkut ilinniarsimasunik sulisussarsiorinissat immikkoortotamillu isumannaallisakkamik sananissaq. Taamatut allaaserineqarpoq, immikkoortotamik isumannaallisakkamik sananeq m2-mut ataatsimut 45.000 kr.-nit missaanni akeqassasoq.

Peqatigitillugu nassuiaammi isummerfigineqarpoq, isumannaallisaanermut piomasagaatit annertuut aamma sulisunik immikkut ilinniarsimasunik sulisussarsiornerup unammillerneqarnerata, tarnimikkut napparsimasut eqqartuunneqarsimaneq tunngavigalugu nakorsarneqarneqartussat Danmarkimi katsorsarneqarnissamut inissinneqarnissamullu innersuunneqartartunut amerlassuserineqartut ikilisinneqarnissaat maannakkut siunissamiluunniit qaninnermi periarfissaqartinngikkaa nalilerneqarpoq.

5. Aningaasatigut allaffissornikkullu pisortanut suut kingunerisinnaavai, immikkut ittumik nutaamik (Gerontologi : Utoqqalineq nappaatillu) Dronning Ingridip napparsimavissuani pilersitsisoqassagaluarpat?

Akissut:

DIN-imi utoqqalisut nappaataanillu sullissinermut immikkoortumik/immikkoortotamik pilersitsinermi aningaasatigut allaffissornikkullu kingunerisassat missiliorinnaajumallugit ilaatigut pisariaqartitsinermik naliliineq suliarineqassaaq. Tamatumani saniatigut sullissinerit ingerlanerat nassuiarneqassaaq allaaserineqarlunilu, immikkoortup piginnaasai angissusaalu aalajangerneqarsinnaaniassammata. Taamaattumik paasissutissat akissuteqarnissamut atugassat pissarsiarinissaat piffissamik isumalluutinillu annertuumik atuinissamik pisariaqartitsissammata apeqqut 5 akineqarsinnaanngitsutut nalilerneqarpoq.

Peqatigitillugu peqqinnissaqarfiup ilisimatitsissutigaa, utoqqalisut nappaataanillu sullissineq Napparsimasunik utoqqalisunik Katsorsaaneruvoq immikkut sammisaq, tassani ilaallutik pinaveersaartitsineq, nappaammik suussuseriineq, ippinnarunnaarsitsiniarluni katsorsaaneq aamma utoqqarnik napparsimasunik timikkut, sianissutsikkut timillu aalatinneranik ajornartorsiuteqartunik piginnaanngorsaqqiineq. Nappaatip suussuserineqarnera apeqqutaalluni DIN-imi Nakorsartittunut Immikkoortortaqaqfimmi maannamut

tamanna suliarineqartarpoq. Napparsimasut taakkua Nakorsartittunut Immikkoortor-taqarfiup sullinnissai sungiusimavai, akuttunngitsumik nappaataat suussusersine-qarsimasut assigiinngitsut arlaliusarput, pissutaarpiarpoq qallunaat napparsimaviisut nakorsartittunut immikkoortor-taqarfimmik immikkut ukkataqartumik Immikkoortor-taqanngimmat.

6. Aningaasatigut allaffissornikkullu suut kingunerisinnaavai misissuiner-mi imaluunniit nalunaarusiornermi, innuttaasunit qassit, peqqissutsimut sillim-mateqarnersut (inuit namminneq peqqissutsimut sillimmataat aammalu peqqissutsimut sillimmatit, sulisunut ajunngitsorsiassatut ilaatinneqartut?)

Akissut:

Peqqissutsimut sillimmatit pillugit § 37 naapertorlugu apeqqummut (220/2019) akis-suteqaammi Aningaasaqarnermut Naalakkersuisoqarfiup sammisaq siusinnerusuk-kut suliarinikuuaa, sulisitsisup akiligaanik imaluunniit inuttut namminerisamik peqqissutsimut sillimmasiiner-mut qassit ilaanersut paasissutissaqanngitsoq tassani takuneqarsinnaavoq.

Taamaalilluni innuttaasut ilai qanoq amerlatigisut peqqissutsimut sillim-mateqarnersut erseqqissaanermut atorneqarsinnaasunik paasissutissanik eqqorluartunik Naalakkersui-sut pissarsisinnaanngillat. Taamaattumik immikkoortup nassuiaasiornerata suliarineran-ut aningasartuutit massakkorpiaq oqaatigineqarsinnaanngillat.

7. Aningaasatigut allaffissornikkullu pisortanut suut kingunerisinnaavai, Dronning Ingridip Peqqissaavia (DIS, Nuuk) sulisunik qaffaasoqassa-galuarpat (nakorsat, peqqissaasut, portørit, peqqissaanermi ikiortgi, aaviisar-fimmilu sulisut assigisaallu) pisariaqartitsineq matussuserniar-lugu?

Akissut:

Nuummi innuttaasut amerliartorneranik pissuteqartumik napparsimasunik ilungersuas-suteqarneq annertusiartortoq ikiorsiiffiginiarlugu Dronning Ingridip Peqqissaaviata (DIP) piginnaassutsikkut qaffaaffiginissaa ukiumut 5,5 mio missaani akeqassasoq Peqqinnissaqarfiup nalilerpaa.

Oqaatigineqarsinnaavoq DIP-mi piginnaasat qaffaaffiginiarlugit sullissinerlu pitsaaneru-lersinniarlugu ukiumut ataatsimut iluarsartuullugu pilersaarusiamut 2021-imi pilersaarum-mut aningaasat 4,5 mio. kr.-nit immikkoortinneqarmata.

8. Aningaasatigut allaffissornikkullu pisortanut suut kingunerisinnaavai, kommunit Peqqinnissaqarfimmu- suleqatigiinnissamik isumaqatigiissu-siorpata IT-system assigiimmik atornissaanut (takussutissatut systemi, Cosmic) kipisuitsu- mik atugassaq napparsimasut angerlartitaaneranni kommunimilu paaqqutarinninneq nangittussanngoruni?

Akissut:

Peqqinnissaqarfik pisiortorfiusoq peqatigalugu qarasaasiakkut napparsimasun-ut nalu-naarsuiffiup Cosmic-ip iluseqataanik suliaqarpoq, sapertunik paaqqinniffinnut/utoqqaat

illuinnut naleqqulluurtumik periuseqarluni isissutaasinnaasumik. Ilusiliusseq pisariunngilaq IT-millu ineriartortitsinissamik suliaqarnissamik pisariaqartitsinani. Sapertunik paaqqinnittarfinni sulisut toqqakkat aallaqqaasiutaasumik najugalinnut nakorsaatit tunniunneqartut paasiniarniarunikkit kingusinnerusukkullu peratarsinnaasunut paasissutissanut nalunaarsukkanut allanut isersinnaalissapput. Cosmic-ip atornissaanut sulisut ilinniartinnissaat kiisalu sapertunik paaqqinnittarfinni ataasiakkaani najugalinnut allaffissornerup ingerlaneranut isumalluutit kiisalu sapertunik paaqqinnittarfinni pineqartuni sulisut isersinnaanerit eqqortut qulakkeerniarlugit allaffissornikkut isumalluutini pisariaqartitsissaaq.

Aningaasatigut allaffissornikkullu kingunerisassat suli tamakkiisumik nassuarneqanngillat, ineriartortitsinialunili sulineq aallartinneqarpoq. Misiliummik suliniutigineqarsinnaasooq Peqqussutsimut Naalakkersuisoqarfiup, Nunatsinni Nakorsaaneqarfiup, Peqqinnissaqarfiup kommunillu qanimut suleqatigiinnerisigut ingerlanneqassaaq.

9. Aningaasatigut allaffissornikkullu pisortanut suut kingunerisinnaavai nakorsamut peqqissaasumullu, aaversinnermut, nakorsaatissanut allagartanik inniminniinernut, takkunnermi nalunaarsuinnermut piffissamik inniminniinermi aammalu nammineq nakorsiartarnermi nalunaarsuiffik takusinnaalernissaanut imminut kiffartuunneq atuutinneqalerpat?

Akissut:

Ullumikkut IT-mik aaqqiissuteqarneq doktor.gl-imik peqqinnissaqarfik atuivoq, Nuummi innuttaasut nakorsaatissanut allagartatik nutartersinnaavaat. Maannakkorpiaq annertunerusumik imminut kiffartuunnikkut aaqqiissuteqarnerit pillugit pilersaaruteqanngilaq, digitaliseriinnermik iluarsartuullugit pilersaarusiit taamaattut, Peqqinnissaqarfiup akissaqartinngisaanik, ineriartortitsinnermut ingerlatsinnermullu aningaasanik sulisunillu isumalluutini pisariaqartitsipput. Imminut kiffartuunnermut tunngasut ineriartornerat peqqinnissaqarfiup malittareqqissaarpai innuttaasunik qarasaasiakkut sullissiffiup Sullissivik.gl-ip periarfissiissutaanut tunngasut pingaartumik paasisaqarfigalugit.

10. Eqqartukkamut tunngasunik allanik soqutiginaatilinnik Naalakkersuisut paasissutissiisnaappat?

Akissut:

Akissuteqarnissamut annertunerusumik Naalakkersuisut paasissutissaateqanngillat.

Med venlig hilsen
Inussiarnersumik inuulluaqqusillunga


Kirsten Fencker